

者爲衆生所愛法施者常爲世間之所敬重財施者愚人所愛法施者爲智者所愛財施壞財貧窮法施壞功德貧窮者此二種施誰不敬重財施者能與現樂法施者能與天道涅槃之樂樂愛悲者能愛一切衆生愛一切衆生即是愛已阿羅漢捨於衆生入涅槃去

大丈夫論卷下

提婆羅菩薩造
北涼世沙門釋道泰譯

卷二

尚不爲智者所受況苦衆生者誰當愛樂常
行惠施遠離十惡恭敬父母若如是者是報
我恩若欲續佛種者當以悲心爲首饒益於

大丈夫論卷上

侵唐子集反胞胎交反荔草俱反楚念頤領下反頤

羅 遷 逐 浚 燥 電 蒲 賈
自上名云，角下上父下
反字爲母郎 消薄清賈
大居也地 反火注和也合
通陵反 摧 摧消薄反此
日背也 豫 豫折能偏火注
波之音也 厥 厥下音 反蹄
皮也求位也 預 頤戶拔
覆蔽反上食徒切 反盜戶
覆蓋也 反竊戶 高拔反
必上食徒切 反竊戶 高拔
掩采音上 袋音上 拔反
也也也也也也也也也也

以悲心故捨聲聞解脫發菩提心此初一念
之心唯佛知其邊量況善提行解脫樂方初
一念發菩提心猶如大地金大地土不相方
喻初發心時以能淨諸結使招一切功德善
提是發心果爲一切衆生求樂菩薩發菩提
心竟未發願者問解脫云何以何因緣故問

施事已足爲一切衆生親者未曾一念不與悲心相應菩薩悲心偏緣一切無不緣者以悲心偏故後成佛時得一切種智無有障礙

發菩提心品第十五

品第十五

以發心者如從解脫中來是故問言云何爲解脫相爲往到解脫故知爲解脫來耶已發願者答言發菩提心時歡喜快樂猶如解脫是故得知欲供養一切諸佛者當發菩提之心欲報佛恩者當發堅牢菩提之心除發菩提心更無有法能至菩提若無菩提心則不得佛果若不得佛果則不能救度衆生欲與一切衆生無量大樂當發菩提之心何以故菩提心者是一切衆生樂因一切諸色不離四大一切樂事不離菩提心惟哉云何迺不畏生死之苦乃畏無畏菩提之心若欲止息一切衆生苦者無過發菩提之心發菩提心者是初止息因初止息得無上止息得財寶利不如得功德利得功德利不如得智慧利得智慧利不如得菩提心利若放逸廢忘不念菩提心者如禽獸無異汝今云何不發悲心當知悲心者即是大菩提欲趣向佛智應發菩提之心爲結使所障者不能發解脫之

心爲業報障者不能發菩提之心云何邪趣云何正趣爲有愛所牽以四空爲解脫者名爲邪趣發菩提心修八正道名爲正趣爲得富報者修行於施爲得樂報者修行悲心爲欲救濟安樂衆生者當堅發菩提之心不修福者有三事難得一者不得親近善友二者不能悲心厭離三者不能敬尚佛慧若未發菩提心者應當發心得一切種智發菩提心者大丈夫論功德勝品第十六

有人等以財物施一福田心不同故得報有種種有得三有樂者有得寂滅樂者有得利他樂者思願勝故得報不同以愛心作福者

卷三
二

受報時愚闇悲心修福者受果時得於智慧不敗壞菩提心爲饒益衆生作福者當知此福爲福中最勝其餘修福名相似福非第一福佛一味智慧當知此福爲最第一饒益世間故三寶種不斷知業知果知歸依佛慈悲計我行福如行惡者甚可慚愧善丈夫者見

人天世間無救終不爲已修福生死中苦尚不可聞況復眼見衆生受身極可憲厭云何爲我修福作業悲者所不能作一剎那頃不離悲心爲衆生親友云何爲我作福有嘗功德味者得自在修福得他報恩勝氣味夢中尚不爲己修福況復覺時以智能見過終不

更有餘三昧定慧境界衆生皆悉作佛以有此三昧故不欲取於解脫頭陀除一切過惡寂滅如在口中真濟者爲衆生苦故而不證取定慧悲自在見世間衆苦世間真濟者終不越度去

求有造福悲心者終不爲解脫修福智者棄求有業悲者棄解脫業所以者何悲者爲利益他故無勝智慧平等造作因福果福無與等者從十力得智爲已得樂捨利他樂名背恩者唯我能知從佛得知故一切衆生是我修福之伴設當得果而獨受用名背恩者極難得樂豈得獨受其如是丈夫爲一切所棄設得千涅槃樂不爲饒益不如救一衆生苦勝得千涅槃樂解脫樂尚不獨受何以故見世間衆生無歸無救故尚不獨受解脫樂況復無上菩提

大丈夫論勝解脫品第十七

三
盡二

於一人終不出生死力能得解脫爲衆生故處於生死於三種施一切時常如節會不樂已樂爲他作樂者日夜於生死中而不處歡喜快樂如處涅槃菩薩常爲衆生作利益業歡喜樂味智菩薩乃於夢中得歡喜樂勝於解脫菩薩得爲他作樂歡喜氣味諸有衆生不得氣味證於解脫智人若得解脫知利他樂歡喜氣味者必當還來利益衆生畏於生死爲自利益求於解脫以爲極樂者不如菩薩受陰身時歡喜快樂爲利他故若自一已受逼迫苦者乃可入於涅槃一切衆生受逼迫苦云何捨於衆生入於涅槃見自己苦者

入於涅槃悲者見一切衆生苦皆住已心云
何捨於衆生入於涅槃若能爲他作樂歡喜
即是涅槃若不如是即是生死於衆生有平
等悲者爲他作樂歡喜即是涅槃佛所讚說
若解脫如利益一人歡喜樂者爲智者所愛
若與他重樂不計功者即是解脫悲者爲他
作樂不望果報若能如是即是解脫若不如
是即是生死若爲已求樂者即是苦也捨於
已樂爲他求樂即是涅槃世間衆生以破苦
故名爲解脫修悲者能破他苦即是勝解脫
也破他苦者二俱得樂何有智者捨二解脫
取一解脫世間人言有智者得於解脫菩薩
作是思惟我不信是語何有智人捨救他樂
取於解脫自己得樂能與他作樂三有中樂
勝解脫樂菩薩爲衆生受苦勝於他人爲已
得解脫樂

大丈夫論饒益他品第十八

世間衆生爲已樂故於生死中身心疲勞菩
薩盡二

薩心得休息悲心作饒益他生死中除對治
法更無有樂菩薩除利益他更無有樂菩薩
得作利他歡喜樂知利他者即是自利捨自
己利愛利他樂知利己樂即是利他樂知利
他樂即是利己樂知利他樂時即自己樂故
人有上中下愚人者見他得樂心生苦惱中
人者已自苦時知他苦上人者見他樂時心
生快樂見他苦時如自己苦菩薩四攝法中
與他同利云何同利他苦則苦他樂則樂是
名同利悲心平等無有他想菩薩與衆生同
苦同樂菩薩自己身特生苦惱何以故不能
救衆生苦故不觀過去不觀未來隨衆生意
作滅苦對治菩薩自意亦如他意世間衆生
與他利樂還望返報菩薩與他利樂不望其
報菩薩雖悲心平等愛一切衆生然於怨憎
中倍與利樂於怨憎邊與利樂時心中歡喜
如捨身命時歡喜者名爲平等若不如是名
不平等於怨憎中倍與利樂者名稱悲心所

作菩薩於一切衆生等生悲心然於惡行衆生倍生憐愍譬如大富長者唯有一子愛念之心徹於骨髓菩薩愛念一切衆生亦復如是如有惡子不欲父得勝已事者是名替恩一切怨憎衆生於菩薩所同一味惡菩薩於

怨憎衆生同一味悲心世間衆生得報恩者

盡二

五

生其歡喜若菩薩於怨憎人所與其利樂心生歡喜倍過於是世間衆生若爲時他不還報便大歡喜菩薩得他罵時心大歡喜有愛心者於三界中悉皆普偏菩薩悲心亦普偏三界菩薩悲地獄衆生不如悲憂著三界愚癡衆生衆生樂於己樂爲無量大苦之所繫縛菩薩爲利他樂故爲無量大苦之所繫縛一切衆生皆同一事皆欲離苦得樂與他利樂爲勝有爲利向己者亦是悲因亦是喜因爲利向他者見之生於悲喜自爲己利所以生悲喜自爲己利所以生悲見其得樂所以歡喜四無量心者內心欲修緣四攝法者爲

衆生利樂名爲最勝修四無量者能與世法及出世法因世法出世法及四無量心即是同一境界何以故同一利益衆生得同一無上菩提果故悲者能利他智者能捨不生希有心不生高下心

大丈夫論勝施他苦品第十九

菩薩見他苦時即是菩薩極苦見他樂時即是菩薩大樂以是故菩薩恒爲利他凡愚衆生見他苦時自己爲樂見他苦不以爲苦賢人者自苦以樂樂他不以己苦凡愚衆生爲己少樂而大苦他賢人者爲與他少樂自受大苦惡行者修少樂因得大樂時雖生歡喜不及菩薩以少樂利他人時心大歡喜倍過於是菩薩見他受苦以身代之身雖受苦不以爲苦心中快樂生大歡喜菩薩悲心得自在樂不爲三有諸苦之所逼惱菩薩飲悲甘露故不爲諸苦所苦不爲苦所苦故能爲他受苦凡愚衆生見他苦時心中生樂見他樂

時心中生苦菩薩見他苦時則苦樂時則樂無悲心者見他苦時如月極冷有悲心者見他受苦如夏盛日不問愚智見他苦時皆生厭離生憂惱因有悲心者深生憐愍作決定心一切衆生苦即是我苦菩薩作念若不能發大精進者何由能壞此大苦菩薩與一切

盡二

六

衆生同利苦樂皆同須勤勞得成菩提菩薩作念我得菩提已捨與一切衆生還於生死之中從初發心還至菩提復捨與衆生然不可得菩薩為利他故行四攝法終不疲厭猶如大地持一切物終不疲厭為己身者自受其樂尚生疲厭菩薩為他作樂不生疲厭菩薩為他作樂見阿鼻苦如涅槃樂於餘苦邊有何疲厭若為一切衆生受樂自受無量地獄常作勇猛與他作樂不生疲厭以何因緣為他作樂不生疲厭菩薩觀一切衆生不見他想都如自己衆生為結使所著於一切處皆欲害他為悲所持者於一切苦無不欲受

菩薩為他受逼迫苦如苦者樂解脫樂菩薩樂代他受逼迫苦時即大悲心淨智慧觀他受苦悲心即在中住悲心住處則苦不得住雖復悲者為一切衆生苦之所縛如是為他利樂心生歡喜勝解脫樂菩薩是他受苦如自己苦自己得樂欲與他人自覺勝於涅槃悲者常欲自受其苦與他樂悲之與苦不得一剎那頃而得共住行惡者見苦時欲得遠避見他得樂心不喜悅菩薩見他苦時不欲遠離無愛者無一切苦業何以故除他人苦生大歡喜故菩薩與他大樂不必歡喜見他與人小樂心大歡喜何以故體性尙故菩薩見他得樂自己亦樂菩薩見人與他少樂云

盡二

七

見他得樂自己亦樂菩薩見人與他少樂云

大丈夫論愛悲品第二十

若人不知身心常為極苦所縛則不能知他心中苦無悲者無惡不作若見他衰禍心不調軟此人名為極惡行者若有重恩者何時

能念臨死之人雖有美藥以爲極苦爲極行
惡無善德者得慈悲甘藥作極苦想若人巨
富多饒財寶但自食噉不與他人爲人所呵
雖有智慧多聞若無悲心亦爲人之所譏呵
若見苦惱衆生難得悲心者非功德器猶如
破器不任盛水有悲心者見苦衆生雖不能

救濟可不能歎言苦哉衆生見衆生爲貪欲
瞋恚愚癡所病生老病死之苦常爲衆苦之
所惱逼恠哉衆生墮是大苦世間衆生身苦
心苦常爲結業之所破壞嗚呼恠哉世間衆
生逼迫之苦何有菩薩而不生悲身住於駛
流沒生死無窮可畏大苦海衆生常爲苦苦
所苦行苦所苦壞苦所苦若見一苦足生悲
因況復具足三苦愚癡衆生常爲百千諸苦
所苦若見一苦應生悲心況復百千諸苦應
當了知世間諸苦於一苦中未生悲心者
應當生悲己生悲心應當增長況復無量若
聞世間種種無量諸苦名尚應軟況有心者

而不生悲若聞世間悲呼之聲枯樹猶應生
華況有心者而不生悲世間苦一味心柔軟
者易生悲心有悲心者菩提之果便在掌中
大丈夫論覺悟停丈夫品第二十一

悲心極豐富 他利已生樂 貧窮悲心人
不能貪此樂 嬰愚愛自在 悲心則背去

悲心已背去 衆苦皆來集

愛自在者處生死中欲分苦與他共迴流生
死悲心者於世間衆生分寂滅樂共之而去
有愛心者樂於三有知愛過者則樂涅槃作
利益他者則樂悲心愛自在者常樂世間受
身爲己樂故悲自在者常樂受身爲樂他故
盡二 八

愛自在者常樂己樂以爲自縛悲心者恒爲
欲與他樂而爲自縛愛自在者常爲己樂無
有疲厭悲心者爲與他樂而無疲厭愚愛小
者不愛自己亦不愛他菩薩亦愛自己愚癡
衆生常爲我者實是爲他

大丈夫論 大丈夫品第二十二

菩薩悲心唯有一事之所逼迫當爲他事苦來逼迫更無餘事是名成就悲聚棄於涅槃如棄其苦受於有身如取解脫與世間利樂者名此爲悲知涅槃功德生死過患然不捨有爲如是一切盡是大悲功德一切處離欲以涅槃爲體而不取涅槃名勇健者大悲因緣故能入生死周旋往返觀諸有盡滅知衆生是苦爲救爲依心持大悲獸惡己身求十力身大悲之處得處非處功德如轉輪聖王雖有千子然愛相好具者佛亦如是於一切衆生愛有悲心者唯能作福無智無悲名爲丈夫有福有智名善丈夫若修福修悲修智名大丈夫應看悲者有悲者應共語說敬禮悲者具一切功德

大丈夫論說悲品第二十三

世間人天阿脩羅等受身有種種苦唯有菩薩徹髓悲者知一切善法以悲爲首智人當知如似一切諸字悉疊爲首一切善法皆入

盡二

悲中如似一舍衆色皆入若見虛空淨即見大悲淨見虛空無邊大悲亦無邊佛說若欲現前見我當恭敬大悲苦欲見我當觀三界皆悉受苦苦無邊故大悲亦無邊苦住故大悲亦住大悲住在何處住在一切衆生貪欲瞋恚愚癡生老病死種種苦聚與諸眷屬在中而住有大悲心能知他苦此名與佛共住有三種施一切功德養身猶如乳母是名大悲大丈夫論施悲淨品第二十四

猶如雪山生一切藥大悲雪山生三種施一切功德除悲更無有法能與世間作樂施作悲體能爲世間作種種樂無上果報爲三施所成悲是三施之因衆生祖母能生如來一切衆生無上最勝歸依誰不恭敬能生三施是名大悲菩薩大悲功德極多在心中住唯一事而不遠離無有染著常作利益他事無有疲厭世間出世間樂及利他樂皆從悲生是以我今恭敬於悲能利益世間大悲者

我亦恭敬種種功德實如所說有二功德最勝能利益他及自淨悲悲能淨於施是以我今愛敬施能莊嚴於悲我亦愛敬悲諸有同悲意者亦復愛敬悲能淨心體施能淨業道能淨心體能淨業道即能淨涅槃道能淨無上菩提道悲能淨捨無悲者垢汙於捨施能淨悲悲能淨施是名世間端正悲能生信敬猶如大地為衆華莊嚴大悲亦復如是世間衆生為煩惱日之所燒逼得悲心者皆生涼樂猶如夏熱之時得清涼風皆得止息

大丈夫論愛悲勝品第二十五

施緣取緣愛有愛則有取無愛則無取有悲必有捨無悲亦無捨愛故取增長捨故悲增長受恩者生愛愛是過患怨則增長悲心愛增長為自己樂則害他悲增長能與他樂自己則苦愛增長而害他者則非希有悲心者捨己身命而與他人是為希有愛著者名愚賤人常在貧窮受諸苦惱有悲功德者常

盡二

十

者能生一切樂從悲起身口業者名為勝業悲心者能為一切衆生作無盡樂

大丈夫論智悲解脫品第二十六

智悲二事何者為勝智者唯能自歸依悲者能使他人歸依無上之道有悲無智非智者所愛有智無悲亦非智者所愛能障無上道智不與悲心相應能障無上道智菩薩以為無智一念不樂生死悲不欲解脫解脫味如甘露悲者以為無味如美食無鹽以為無味解脫雖甘若無悲心菩薩以為無味若大悲與解脫別解脫皆應敬禮以大悲是諸佛母故解脫者名永無餘滅一切事悲心如善呢

處富貴貪愛者不得斷絕有止足時得智慧則能斷絕止足得悲心者無有止足常施他故愛心者能招集一切諸苦成大苦聚悲心者能生一切功德若悲不捨不淨業者我所不欲設悲不能救濟我亦不欲若悲不樂求菩提亦非我所欲愛心者能生一切苦悲心

能呢死者還活若受有相續不斷身者是常過若取解脫是斷過離二邊故名之爲佛救一切衆生若無佛者則無解脫若無悲者亦無得佛非能生解脫以是事故菩薩取悲悲體一事能作二事一能救衆生三能生佛種智

大丈夫論發願品第二十七

盡二

十一

菩薩思惟一切衆生共有無量種苦我當發於悲心成一切種智滅一切衆生無量種共有之苦菩薩見一切衆生沉沒無量無邊生死苦海得平等悲心嬰愚無知樂解脫者生放捨心世間大苦衆生我勝悲心菩薩思惟我有悲心觀苦衆生未得菩提道我云何使衆生得解脫道菩薩思惟一切世間我最少福我今不能救衆生菩薩思惟我於三界衆生作大親友而衆生常爲身苦心苦逼惱我今名爲空惡活者菩薩思惟我身生不能破世間苦不能利益衆生我用受是身爲苦薩思惟我是一切衆生親友我當養育於怨

家作大利益菩薩思惟一切衆生能爲我作端嚴業不使一衆生作不端嚴意菩薩作是思惟言利他者求他人之相都不可得都如自己何者爲他即是利己菩薩思惟若有可願使一切衆生身心之苦一時俱集我身常爲受之使衆生得樂不以爲苦菩薩思惟我菩提道中住一切所有諸苦我皆能堪忍所以者何衆生沒溺生死苦海我不能度脫菩薩思惟雖有重結使然菩提道難得如是但有悲智二事爲伴心終不疲厭菩薩思惟善逝所行道我今從中去我今於世間悲心施衆生當思惟我如彼無異菩薩思惟我今爲世間依救當發弘誓願修大莊嚴智慧爲善伴我今佛慧芽將生菩薩思惟我欲滅衆生苦使一切衆生得樂欲作一切衆生事我常爲悲心之所教詔菩薩思惟生死之苦聞尚疲厭悲者能得堪忍世間苦故爲悲心向不生死門菩薩思惟生死苦極可厭惡欲入涅槃

槃大悲語言苦惱衆生未度云何捨棄而去
菩薩思惟有爲苦具足涅槃出世樂我今知
生死有爲苦涅槃無爲樂悲心常樂三種施
菩薩思惟我甚畏諸有以悲心救衆生故樂
處諸有悲心語菩薩言我使汝處生死終不
放汝何以故爲報恩故菩薩思惟解脫樂爲度

盡二

十二

衆生尚不欲食悲心遮我使不得食況生死
不堅牢樂菩薩思惟一切樂中第一佛說涅
槃是涅槃雖樂我智不欲去所以智不欲去
者悲和合故菩薩思惟我今敬向涅槃所以
者何涅槃中無生老病死故涅槃雖樂悲心
所牽爲衆生故而不得去悲心是諸佛之母
是以不捨向於涅槃若涅槃就我猶尚不證
況棄衆生而向涅槃菩薩思惟我欲向涅槃
悲是佛母就我與乳云何捨去無上菩提設
當不與衆生利樂我亦不求況復涅槃菩薩
思惟不應向涅槃捨無歸依衆生故悲心故
使我不證涅槃涅槃是盡生邊若無生者何

能救拔衆生菩薩思惟受生者有二種樂一
者救衆生樂二者解脫樂我云何捨二種樂
取一種樂菩薩思惟一切凡夫盡共有一切
種智性一切種智凡夫易得以是故我愛凡
夫不愛解脫菩薩思惟隨有苦衆生處悲心
得生悲得增長以是故我愛有中菩薩語悲
心言汝使我得清淨增長使一切衆生盡得
清淨盡得增長菩薩語悲心言衆生在苦爲
百千衆苦之所逼迫今日使衆生必得安樂
與我成辦此事菩薩語悲心言衆生爲愛所
縛爲死所攝見世間無歸無依爲救衆生故
受種種苦菩薩思惟我愛大丈夫見有衆生

盡二

十三

墮在苦中捨涅槃樂爲安樂衆生自勉勵此
事菩薩思惟向救衆生得無生忍決定智得
受記別得受記別者我今供養恭敬菩薩思
惟佛得遍淨眼使我現前合掌請佛願授我記
大丈夫論等同發願品第二十八
十方諸佛現在前者爲救衆生事我今作發

菩提願一切衆生所作事我已堪作爲作諸佛大悲皆稱我等善哉我所有若智若福使我一切無歸依爲作解脫世尊使我常莫樂小智之心世尊使我如世尊具足十力若衆生結使熾火燒心使我以法水滅衆生結使熾火摧破魔怨得賢智得轉法輪壞一切衆生煩惱隨有一切衆生我皆一時爲轉法輪一切所作福皆用爲是以此福德使我得最勝法身猶如虛空徧一切處得二種身教化世間以我此福與諸佛和合救衆生使得解脫種種煩惱異相作苦能爲苦因我所有福以智慧力滅衆生苦使我以此福一切衆生

滿虛空界爲作一味樂使我常滿所願陰蓋賊衆能劫功德世間畏死使我以此福救藏一切衆生隨世間幾時而住我善法亦住以我善故一切世間出世間悉皆離苦得樂常一時和合一切衆生菩薩思惟自今已去常從乞者請受教令從今已往常於我身所深生體信莫生他想種種所欲隨其給使滿足菩薩思惟使我從今乃至菩提無有一身不見佛時菩薩思惟使我從今生死長遠設我不見佛時莫一剎那頃離於悲心菩薩思惟使我迫至成佛見外衆生所受諸苦極逼惱我身我皆代受使我身身得徹髓悲心使我身身得受佛智解脫菩薩思惟使我悲心猶如虛空一切山河樹木飛鳥走獸皆依空住一切衆生一切時皆入我悲中我依一切衆生得立善根以我此善迴與一切衆生得解脫果一切道路橋船方所皆是衆生共有使我一切諸善亦一切衆生共有菩薩思惟地

盡二

十四

水火風一切衆生共有使我所修諸善亦一切衆生共有我因一切衆生所得善根迴與一切衆生得無礙智菩薩思惟我所作諸善使一切衆生得離魔界入於佛界使我得智恒十波羅蜜佛智現前使一切衆生得安隱樂得不動心一切衆生所有煩惱使互相救

濟善薩語福德言 一切衆生爲無明所障不知自苦他苦汝當開解菩薩布施行淨水時使一切衆生除有愛結渴得無上道悲我施水時願使一切衆生免恩愛僮僕恒得自在得法財富使我福如河慈心無垢華持戒以爲底施如駛流水除衆生渴苦使我悲心恒

如大河菩薩思惟我悲心如海淨戒如海潮忍辱如波浪智如海蟲動慈心如一味水凡我所施者使成慈心海使施福得悲甘露除衆生生老病死

大丈夫論勝發願品第二十九

若我於一切衆生起於悲心與利樂時願使大悲堅固以悲滅衆生苦使一切衆生皆來逼我我今以此無畏施福使一切衆生皆得大悲我今所有忍辱功德於將來世刀兵劫時以我悲心滅一切衆生瞋以施食功德饑饉劫時使得飲食充足一切衆生以水施衆生功德使成就悲心住一切衆生心中以

盡二

五

衣施衆生功德使一切衆生得慚愧心以燈明施佛因緣功德使我將來得於佛日滅一切闇以施眼功德使我將來世願一切衆生速得佛眼以我捨頭功德使一切衆生向菩提心以我藥施因緣功德使一切衆生除生老病死病以我走使供給衆生功德因緣使一切衆生得無上無漏成菩提道以我華幢蓋供養佛塔因緣功德使一切衆生得高勝福以我幡供養舍利功德因緣使一切衆生除闇得明以鈴聲供養因緣使一切衆生得梵音聲以香華瓔珞供養因緣功德使一切衆生除諸結使垢煩惱臭穢以供養三寶因緣功德使一切衆生常值三寶不曾空缺以我於險道中爲諸寶賈除險道畏功德因緣使一切衆生出生死畏以我度衆生海難功德因緣使一切衆生度生死海以我所有淨善因緣功德使一切衆生摧破四魔得成正覺我當得三菩提我於衆中雖道是語爲欲安

盡二

逼迫上彼力反盛水上音成駛流上使史二
溺_{也作俾}_{非俾}_{尼耕反}_一厭惡_{上一焰反}_{一故反}_{曼徒含}_{疾流}
列反受教詔_{訓上去聲}_{導之謂也}_{下音照}
船_船饑_饑餓_餓罐_{下渠進}_{一菜進}_{反穀不熟}_{不熟}_日
記荊井

慰衆生故說是語以此功德使一切衆生得無上菩提一切衆生菩提即是我菩提一切衆生爲癡所障使得無上菩提以此因緣功德使一切衆生於前成佛我後成佛以我於生死中往返因緣功德使一切衆生皆得作佛以我發善心功德因緣使一切衆生皆得佛智若有見聞受持讀誦者皆作無上菩提之因我欲滿一切衆生欲願我願故未滿我若見苦衆生悲吟之聲以此功德使一切衆生皆得作佛歡喜瞻覩設我修諸善行不使一切衆生作佛者我尚不喜聞況復履行菩薩語功德言汝若不能擁護衆生作依止者我亦不欲於汝及以果報何以故爲衆生修福不自爲己故若衆生盡我善如虛空於三昧中與衆生樂施以菩提心勝文夫悲發願此名說悲心亦名五種說亦名救衆生總名大丈夫行賢偈有五百古書有八百阿闍梨贊子部提波羅大菩薩生在南方是所作竟

大丈夫論卷下

十六

盡二